

《續修四庫全書》編纂委員會編

續修四庫全書

上海古籍出版社

四五九・史部・詔令奏議類

荆川先生右編四十卷（卷一至卷二四）

〔明〕唐順之輯 劉曰寧補

.....

右編序

明都察院右僉都御史毘陵唐順之撰

古今宇宙一大碁局也天時有從逆地理有險易人情有愛惡機事有利害皆碁局所載也古聖人經天緯地畫野肇州設官分職正外位內幽明人鬼不相瀆擾奸良泐慝鳥獸戎夷各止其所所以界碁局也

左編序

至於奕數之變縱橫翻覆紛然不齊而至於千百億局則其變亦幾乎盡而其法亦略備矣自三代之末至於有元上下二千餘年所謂世事理亂成敗愛惡利害備偽凶吉之變雖不可勝窮而亦幾乎盡經國之士研精畢智所以因勢而曲為之慮者雖不可為典要而亦未嘗無典要也語云

人情世事古猶今也豈不然哉奏議者爽之譜也師心者廢譜拘方者泥譜其失均也有見乎背立之說則以病背水之軍有見乎死地之說則以置背水之軍然而二說同出於十三篇中焉可泥也而焉可廢也余之纂右編特以為譜之不可廢而已而未及乎不泥譜之說也右編者古者右

左編序

史記言也

荆川先生右編序

明南京吏部右侍郎福唐葉向高撰
荆川先生之為右編也其卷四十其世自
周至元其目自治道至六曹無所不該然
方周之盛四友十亂之徒謨謀闕如所傳
者多在于晚周元夷虜也取二三策而已
惟漢唐宋之際詳焉吾讀其所編次自治
道而下即次以若相次宮闈次儲嗣次公
至外戚次宦官及倭幸奸邪朋黨而亂繼之
蓋先生之用意深而寓指微非徒分門別
類便于尋覽已也編成久未行吾友大同
成南昌劉公少司成吳興朱公相與節縮
太學經費得若干緡授之梓劉公復補其
未備而朱公校焉罔敘于余敘曰右編者

右編

序

一

左編

序

二

言言又不數用然忠言嘉謀之售于世
者乃千百中之僅見耳言之難聽言尤難
之何恆乎治日少而亂日多哉我明
文皇帝嘗命儒臣輯歷代名臣奏議曰論
之曰致治之道千古一揆若能納善言臣
能盡言不隱天下未有不治大哉王言治
亂興衰之故盡于是矣惟是奏議一書卷
帙浩繁尋究未易學士大夫鮮窺其全茲
編網羅既廣澄汰復精徵事則得法具存
稱人則忠倭如見至于上關主德下切臣
忠甲乙雖黃尤深致意蓋微獨阜囊封事
當奉為準繩即以備黼座之箴規勒千秋
之鑑戒無所不可說者以其體雖主于記
言而其義實無乎記事殆不虛也今堂庶

右史記言也言之途多而大較有三曰論
事曰論人曰規諫論事之言控揣情刑料
量事變毫芒而差尋丈非明智卓識之
士不能為也論人之言辨別黑白指陳嫩
匿搜城社挾神叢非憚正嫉邪之士不能
為也規諫之言犯顏告口嬰鱗觸威往往
自敵而下受之有所不堪非勁節骨鯁之
士不能為也上下二三十年閉公車之牘
至不勝載然言之而傳之而收于茲倫
者僅僅如許顧不難哉乃其言復有睽有
合有遇有不遇挈而程之論事之言十僅
得四五論人之言十僅得三四諫爭之言
十僅得一二何以故其說愈逆則其勢愈
拂也夫忠諫之士代已不數人人又不數

日隔造膝稀聞所藉以効忠抒誠匡維補
救惟章疏一事而奏牘滋煩扞格滋甚上
下之間其難或有過於前代者
明主可與忠言蓋臣所宜畢慮劉朱二先
生之惓惓而利茲編也得無意乎余故因
命敘而及之雖然吾有感于先生之自敘
也宇宙棋局也奏議譜也今局觀者見有
右編 序 四
善著而苦於當局之易迷當局者見有成
著而苦于旁觀之掣肘局觀者與當局相持
而局之成敗不暇問矣此亦古今之通患
也夫唐先生蓋精于譜者而用尚未究今
二先生皆國手行究其用矣其能善用譜
也能毋與局觀者兩相苦也余不佞請以
茲編為息壤焉

荆川先生右編序

明翰林院修撰瑯琊焦竑撰

荆川唐先生於載籍無所不窺其編纂成書以數十計嘗語其徒曰讀書以治經明理為先次之諸史可以見古人經綸之跡又次則載諸世務可為應用資者數者本末相輟皆有益之書餘非所急也所輯最

序

巨者有左編右編儒編詩編文編稗編凡六種世所行左編文編稗編餘未出也司成劉公幼安朱公文寧頃蒞南雍業以正學為多士鵠矣已復欲以經濟導之則取右編刻焉余藏先生藁本部分未定且漢唐名奏遺軼尚多幼安因擇其要者補入而緒正校讐則文寧有力焉刻成俾余為

序

序余惟學者患不能讀書能讀書矣乃疲精力於雕蟲篆刻之間而所當留意者或束閣而不觀亦不善讀書之過矣夫學不知經世非學也經世而不知考古以合變非經世也古之善醫者於神農黃帝之經方秦越人之難經靈樞甲乙葛洪陶隱居之所綴緝咸洞其精微其於簡策紛錯黃素朽蠹老師或失其讀與曲士或寬其文者無不貫穿而辨晰之矣又必樂義耐事急於生人而亡虞主人之奪藉斯能動而得意攻邪起仆如承蜩而掇之也藉令不由經論而以情揆疾曰古法新病不相能也而第多其藥以幸有功則相率以趨於斃而已是編自周秦以迄勝國任士之所

勞謀臣之所畫凡為醫國計者班班在焉
中間矯拂嗜欲指陳利病與辨別忠衷而
處其進退人主虛心采納而言者亦精意
體國不啻燭照數計然何其盛也即有言
未忠忠而未盡用者其回隱盡壞之狀亦
因可考見而無所後遜蓋非特得進言之
法寔善敗得失之林也其可忽諸語云學

序

書紙費學醫人費夫執古之法而不知變
者非也惜於古學而徒費人以嘗試其胸
臆非之非者也學者莫無蹈其轍必以此
編為嚆矢矣

刻右編敘

明南京國子監祭酒豫章劉曰寧撰
右編者取右史紀言也余遊南雍之一年
從太史焦公得抄本讀之知為毘陵未竟
之業會太史居在秣陵而少司成朱公適
來曰略倣先生左編義例部勒銓補為四
十卷其例起治道而君相而宮闈而方國

右編

序

而四夷而六官政事無不備載蓋宇宙一
大機局也孟子曰詩云然後春種作余謂
謨訓云然後奏議作漢去古未遠賈陸晁
魏之流圖事揆策詞約事詳遠者偕秦為
喻近則條上故事爾然匡衡劉向稍引經
術陳寶諸人危言憤發終漢之世蓋三變
焉自是以降陸贄李德裕並以事理建赤

幟于唐然攜李賀皇之懇切終不足以當
衡山之密語則所遇使然哉宋人連章累
牘其指次何遂有如于漢之前箸而恢以
議論難以援引斯又封事之一變矣蓋諸
儒沿江都之策而益謹其防於是人人重
于典要略于機宜迺其經德不回蓋亦有
足多者斯亦歷代之升降乎然余嘗臚列
往事列吹累黍一一而辨之大抵宣明通
達之論極盛于開天大暢于中興至於久
安之後恒落落焉此無它故人情晨起則
振衣次則新浴開天中興之際斯其時哉
斯其時哉中才而涉世之小康愚者偷巧
者諱迂獨之士好言無為人主亦習于豐
亨而畏咎口當斯時也即有深慮知化之

言卑遠擯弃者亦能言有不言而悔無夕
言而慙有言不必應而安無先憂過計而
反以為可恨至今一一按求之宇宙之局
面明哲之精神躍然了然于心目之間得
者可失理者可亂存者可亡而所以得所
以救敗且亡者亦即在于擾攘艱危之際
謂其人而非聖人也則可謂其言而聖人
能易之則不可則是書之輯又豈偶然哉
書最詳于唐宋而宋家回伏朽蠹之狀尤
與
國朝相近不可不細讀嗟乎事出料外理
在園中神明濬于巧心變化因乎方策偕
先民之班班者坐而收之不出戶知天下
其視空談勦說白晉窮年而無當實用者

之外虛實縱橫道固相似即以為天下能
事盡畢于此亦奚不可是故能者即異為
同不能者執同成異法曷病哉太學之教
原本明德而推極于治平故指不足以析
性命言不足以闡經濟則學官不列唐先
生之為茲編與二三君子刪補考校發為
義例蓋並以世局為經古人為緯思深哉
其有功于得失之林邪雖甚賢哲舍此何
適焉即以列于學官可已編凡四十卷二
千六百一十葉主校閱者丞武君紹祖博
士董君應舉林君岳都六館先生姚君光
冑江君時中莊君毓慶陳君勳沈君琬李
君諫陳君禹謨陳君繼芳石君雷董刻者
簿張君本陳君桂林而別屬秣陵諸生沈

右編

序

四

朝陽蒐遺云譌歲乙巳長至書始成

右編

序

五

右編序

明南京國子司業吳興朱國禎撰
謨訓誥命之辭薦至雅馴其臣精心以行
與其君虛已以受咸三五之際于斯為盛
自情偽日闢變故日新議論日益熾闢者
巧之實也新與熾者厭之媒也衰周之亮
直無餘七國之湣湣莫救于是董江都實

右編

序

太傳以天人治安之說倡而後在豪傑之
士敦誨之儒凡效忠于國者率以章奏進
上下二三千季其人其言至不可枚舉荆
川先生部分裁剪輯右編一書以資經世
之局大司成劉公得其本賞之再為訂補
勒成完畫刻之監中不佞禎受而讀焉嘆
曰此靖獻之準繩而學士大夫進退馳騁

之潤藪也語曰不習為吏視已成事先民

之事則于其燦然者矣凡人臣披肝瀝膽

觸佞批鱗慮人所不及慮譚人所不敢譚

當其時投契者十一齟齬者十九或獨與

衆違踈與親違甚者天與人違迂濶狂恠

之誚無所不至迨夫事機已形徵驗不爽

如霜之必冰如雨之必溜又靡不咨嗟歎

右編

序

二

息憐其忠而恨其晚此豈偶然之故哉天
下有聖人之人有聖人之心與言心之精
微非言之所能盡也而言之精微挾造化
之秘洩朕珥之萌肖心而出而人亦莫知
其然也天地間一種靈明之氣鍾于人人
得之而以舌與筆操國家得失理亂存亡
之數知者能言中庸者亦能言在位者能

言且謀以為無所當而不試不試則不表
見故晏安無事之蔽治之終亂之始也曲
突之計無功燎原之勢已極於是剖心疏
血解衣伏鼎之徒譏切利害照耀天壤片
言千古遂與謨訓爭烈雖其言至今傳而
終不收補天夾日之功由斯以談所謂一
言九鼎豈虛語哉斯又特季之明徵一代

右編

序

三

之升降也劉子曰余讀右編輒撫卷太息
云往余聞學士家言神明在人拘方者格
泥法者窮嗟是禍天下之言也語不云
乎前車不遠覆車繼軌是故兵之圖奕之
譜醫之方治亂之鑑自三五而還其有能
違之者否邪夫伸者引之緒也類者觸之
機也奇正能生變而變不能出於于奇正

竟何如也蓋先生原以奕喻樂先生以傍
觀喻集先生以醫喻而不佞又以地局喻
地之吉凶真偽著書者最多舊蹟一一可
覆雖有慧眼不曠覽原隰興衰之故取諸
家之書而釋之亦終歸于師心而杜撰奕
之譜也醫家形家之書也治天下之有章
奏也一也假如有謀王斷國之才而未睹
斯編其於學術竟何如矣

右編

八

四

右編總目

卷一

治總一 漢

卷二

治總二 唐

卷三

治總三 宋

卷四

治總四 南宋 元

卷五

右編

君一 修德

卷六

君二 務學 任賢

卷七

君三 求言 建都

卷八

相 相道 任相

卷九

將 為將 用將

卷十

后 立廟 權寵

卷十一

儲 建立 諭教

卷十二

宗 封國 賢宗 強宗

卷十三

主 公主 駙馬

卷十四

戚 后族 諸嬖

卷十五

右編

宦

卷十六

倖 寵倖 倚倖

卷十七

效一 權惡

卷十八

姦二 朋黨

卷十九

亂一 逆惡

卷二十

亂二 盜賊

卷二十一

鎮一 唐鎮總 涇原 魏博 淮蔡

卷二十二

鎮二 宋鎮總 江淮 荆襄 川廣

卷二十三

鎮三 陝西 兩河 幽燕

卷二十四

夷一 東夷 南蠻 西戎

卷二十五

右編

總目

夷二 西夏

卷二十六

夷三 北虜 遼

卷二十七

夷四 金虜

卷二十八

夷五 金虜 胡元

卷二十九

吏一 官總 內職 外職

卷三十

吏二 除授 薦舉 辭免 考課 吏役

卷三十一

戶一 田賦 稅課 賑恤

卷三十二

戶二 權貨 內帑

卷三十三

戶三 財用

卷三十四

禮一 郊廟 藉田

卷三十五

右編

不編

四

禮二 養養 封號 樂律 神異

卷三十六

禮三 貢舉 學校 藝術 方外

卷三十七

兵一 兵總 宿衛 鄉兵 養兵 屯戍

卷三十八

兵二 用兵 兵食 賞功

卷三十九

刑 法令 慎刑 訟獄 赦宥

卷四十

工
營
屯
河
工

右編總目終

石編

八總目

五

荆川先生右編目錄

卷一

治總一

至言上文帝

補 賈山

陳政事疏上文帝

補 賈誼

對賢良三策上武帝

補 董仲舒

賢良策上武帝

補 公孫弘

言世務書上武帝

補 嚴安

言世務書上武帝

補 徐樂

言得失疏上宣帝

補 王吉

石編

八奏目錄

奏行便宜故事上宣帝

補 魏相

上言政事上元帝

補 貢禹

條災異封事上元帝

補 劉更生

政治得失疏上元帝

補 匡衡

應詔策上成帝

補 谷永

言時政疏上光帝

補 桓譚

日食疏陳三務上安帝

補 馬融

論災異條便宜七事上順帝

補 郎顗

復條陳便宜四事上順帝

補 郎顗

論為政所宜對上順帝

補 李固

災異陳時事疏上桓帝

補 劉陶

政論上桓帝

補 崔寔

條上七事上靈帝

補 蔡邕

論青蛇封事上靈帝

補 楊賜

復諫疏上靈帝

補 楊賜

申鑒上獻帝

荀悅

石編

八卷目錄

二六五

知中

荆川先生右編卷一

都察院僉都御史毗陵唐順之編

南京國子監祭酒豫章章劉日宣補遺

司業吳興朱國禎校定

三言

山頤川人孝文時言治亂之道備泰為前名

此文去

義固未

述有可

氣而不

明經泰

臣聞為人臣者盡忠竭愚以直諫主不避死亡之誅者臣山是也臣不敢以久遠諭願借泰以為諭唯陛下少加意焉夫布衣韋帶之士修身於內成名於外

右編

八卷之一

一吳廷三百五十五

而使後世不絕息至秦則不然貴為天子富有天下賦歛重數百姓任罷赭衣半道羣盜滿山使天下之人戴目而視傾耳而聽一夫大譁天下響應者陳勝是也秦非徒如此也起咸陽而西至雍離宮三百鍾鼓帷帳不移而具又為阿房之殿殿高數十仞東西五里南北千步從車羅騎四馬驚馳旌旗不撓為宮室之麗至於此使其後世曾不得聚廬而託處焉為馳道於天下東窮燕齊南極吳楚江湖之上瀕海之觀畢至道廣五十步三丈而樹厚築其外隱以金椎樹以青松為馳道之麗至於此使其後世曾不得邪

徑而託足焉死葬乎驪山吏徒數十萬人曠日十年
下徵三泉合采金石冶銅錮其內漆塗其外被以珠
玉飾以翡翠中成觀游上成山林爲葬葬之後王於
此使其後世曾不得蓬顆蔽冢而託葬焉秦以熊羆
之力虎狼之心蠶食諸侯并吞海內而不篤禮義故
天殃已加矣臣昧死以聞願陛下少留意而詳澤其
中臣聞忠臣之事君也言切直則不用而身危不切
直則不可以明道故切直之言明主所欲急聞忠臣
之所以蒙死而竭知也地之磽者雖有善種不能生
焉江皇河瀕雖有惡種無不猥大昔者夏商之季世
布編

八卷之一

二

四百五

吳

雖關龍逢箕子比干之賢身死亡而道不用文王之
時豪俊之士皆得竭其智芻蕘採薪之人皆得盡其
力此周之所以興也故地之美者善養禾君之仁者
善養士雷霆之所擊無不摧折者萬鈞之所壓無不
糜滅者今人主之威非特雷霆也執重非特萬鈞也
開道而求諫和顏色而受之用其言而顯其身士猶
恐懼而不敢自盡又廼況於縱欲恣行暴虐惡聞其
過乎震之以威壓之以重則雖以堯舜之智孟賁之
勇豈有不摧折者哉如此則人主不得聞其過失矣
弗聞則社稷危矣古者聖王之制史在前書過失工

誦箴諫督誦詩諫公卿比諫士傳言諫過庶人謗於
道商旅議於市然後君得聞其過失也聞其過失而
改之見義而從之所以永有天下也天子之尊四海
之內其義莫不爲臣然而養三老於太學親執爵而
餽執爵而餽祝餽在前祝餽在後公卿奉杖大夫進
履舉賢以自輔弼求修正之士使直諫故以天子之
尊尊養三老視孝也立輔弼之臣者恐驕也置直諫
之士者恐不得聞其過也學問至於芻蕘者求善無
饜也商人庶人誹謗已而改之從善無不聽也昔者
秦政力并萬國富有天下破六國以爲郡縣築長城

右編

八卷之一

三

四百五

黃

以爲關塞秦地之固大小之執輕重之權其與一家
之富一夫之彊胡可勝計也然而兵破於陳涉地奪
於劉氏者何也秦王貪狼暴虐殘賊天下窮困萬民
以適其欲也昔者周蓋千八百國以九州之民養千
八百國之君用民之力不過歲三日什一而籍君有
餘財民有餘力而頌聲作秦皇帝以千八百國之民
自養力罷不能勝其役財盡不能勝其求一君之身
耳所以自養者馳騁犬獵之娛天下弗能供也勞罷
者不得休息饑寒者不得衣食亡罪而死刑者無所
告訴人與之爲怨家與之爲讐故天下壞也秦皇帝